

中

白

詞

自序一

戊午刻詞四十首于京師後間有作不復著錄今年
夏李君冰叔序薛慰農江舟欸乃集詞言薛君之作
中多鬱伊非漫爲也索居白下風雨如晦稍稍爲之
歸次舊日所作遂乃成帙予無升沈得喪之戚其善
自懷思則自少壯至今固無殊也查工片石卽予字
之切韻取以弁首無餘義焉若謂詞之道小不足盡
所長此其所以爲片石與是又郢書而燕說矣丙寅
秋日識

自序二

余自壬子學爲詞至今十八年綜所作計之幾三百
首始以爲難繼以爲易丙寅以後由易而知難矣于
是向從北宋溯五代十國今復下求南宋得失離合
之故戊辰五月訂所作得八十餘闕諷詠數過疵累
畢呈因益加刪削以附詩後周草窗云作詞難改詞
更難吾于今益服斯言矣己巳正月

題辭

夫神之所宰機之所抽心之所游境之所構身之所
接力之所窮孰能無所可寄哉縱焉而已逝蕩焉而
紛魚寄於水鳥寄於木人心寄於言凡夫寄於榮利
莊棫寄於辭填詞源於樂闡中之思乎靈均之遺則
乎小子學詩可以與可以觀可以羣可以怨沱潛洋
洋岷嶓峨岷汎彼柏舟容與逍遙爲鶴鳴爲泗水爲
園有桃爲匏有苦葉吾知之矣吾知之於其詩也譚
獻

中白詞甲

丹徒莊棧

憶舊游草

甲寅

試平原極目翠色芊緜不盡燒痕倚仗東風力便迷
離古道能不消魂有時暗托長帶牽住石榴裙看蒼
陌愔愔郊塍漠漠都是愁根 溫存向誰寄想萬種
春情幽緒難論莫把韶光負任落花飛絮分付芳尊
馬嘶客向何處嬌殺玉樓人漫索莫空庭蘼蕪滿徑
深閉門

玉樓春閉門海上春事未然午夢闌珊不禁成咏
空庭人靜香篝冷睡起無言妝懶整鶯聲轉轉繞花
旛燕子雙雙穿藻井游絲裊向秋千影佳約雨雲
無定進夢中好事夢難尋倦眼微抄徐自忖

南柯子夜起露坐

塵滿芙蓉鏡香消菡萏釵橫鬢髻不堪扶一任聲
聲夜漏滴銅壺濁酒微醒後殘妝乍卸初此時清
景好追摹不見花梢明月繞啼鳥

綺羅香歸揚州作 乙卯

宿雨新晴微寒乍暖簾幕長垂清晝草色冥迷門外
碧茵如繡穿藻井翠羽迷離掩珠箔紅樓依舊共誰
人私語商量韶光盡日鎮相守 匆匆江上去也休
說嬉春忒早收燈時候淺漲初生吹起綠波微皺臨
野渡萍絮飄時恰大隄柳枝歌就漫惆悵深院黃昏
淚痕揩滿袖

瑞鶴仙乙卯二月自海上歸揚州見新燕賦

燕飛妝懶整細思量雙棲還讓恁穩屏間翠鬢隱問
青天碧海可能相引花梢弄影漾愁心闌干夢醒更

樓頭楊柳依依說道好春將盡
休省風流佳約似
水鈿車杜陵風景芹泥蹴損腸斷處更誰領早歸來
簾幕深深靜押絮語雕梁畫永怕窗前又有流鶯向
人巧逞

側犯餘醺次清真韻

丙辰

惱紅怨綠淺勻膩粉新妝靚人定似縹緲瓊樓露明
鏡冰肌自掩袂雪月深深徑風靜焚尾譙光浮玉杯
影 盈盈壓架背立芳心瑩還記省春閨鴉鬢共潘
令夢繞梨雲豔魂清迥無語東風夜闌金井

珍珠簾歸海上作

熏風乍引齊紈扇繞空階曲曲闌干行徧香裊畫簾
深又簾紋初展倚枕支頤情繾綣渾不覺夢兒縈轉
流眄任宋莫閒庭落紅成片誰遣繭紙敲窗似人
來几案亂翻書卷驀地起相尋見白雲天遠芳草滿
川梅雨後只望斷江南何限淒惋對茶鼎沈沈聞煎
綠薺

水龍吟和秦淮海 丁巳

小窗月影東風單衣竚立輕寒驟閒門靜掩湘簾不

捲深宵時候已隔經年更添愁緒問君曾有料春光
滿眼王孫草色離離遠迷荒蟄一曲楊枝別後恰
依稀探春時又客中何處儂今生怕爲儂消瘦飛燕
雕梁落花深巷一般搔首更天涯是處流鶯滿院說
新和舊

風流子楊花 戊午

柳絲飄不定東風起吹送到天涯看著地旋飛沾衣
還起濃春難覓芳思都賒夢何在飛花迷巷陌新綠
上窗紗一樹密陰回頭猶戀半池新漲臨水誰家

分攜愁難撇爲誰貼點點共委泥沙空向短長亭畔
披拂香車任無心宛轉偏勞人顧有時瀆漉先被塵
遮休語翠樓夫婿啼損棲鴉

花犯 陌上見楊柳

粉牆陰絲絲柳色芊絲弄清景暗塵輕瑩早夢繞江
潭愁緒難竟去年繡閣藏鴉鬢鞭絲更掩映怎解道
娉婷丰度征人難再問今年綠楊又依依柔條似
可折天涯誰贈飄蕩裏闌干畔游絲無定待儂與燕
鶯細語春正在梢頭煙靄暝漫憶那水邊飛絮化萍

青眼贖

阮郎歸衛河作

一鸞涼月碧雲西
纖纖向客低
眉痕猶似畫時齊
當年夢已迷
官道水久分攜
玉驄何處嘶
當窗莫聽
夜烏啼
還愁霜滿隄

蘭陵王如皋作 巳未

水光定明月流黃共映
鴛衾冷羅綺舊情
牡蠣窗前
客孤凭新霜糝翠鬢
休問流紅暗徑
朱樓晚回首昔
時曾畫山眉對妝鏡
愁孕有誰訊
便蟻酒重斟麝

煤都燼秋風孤櫂波清瑩和鴈羽汀洲荻花江國新
詩隨處自題詠管絃轉愁聽幽興且追趁甚錦字
箏調心字香印高城遠隔天涯近枉合貯鈿釵綵成
花勝匆匆歸也待寄與淚懶搵

醉桃源畫眉鳥

丙寅

妝臺鏡子遠山青南都石黛橫問儂夫壻不知名聲
聲別有情疑鷓鴣誤流鶯還隨蜂蝶并筠籠幾處
傍簾旌簾中笑語盈

驀山溪秋雨

憑闌無語綺思歸何許客裏怕聞蟬爲難得悲秋伴
侶流光冉冉一換一番愁鳩自拂燕交飛不斷絲絲
雨西風連日渺渺長亭浦流水送行舟卻望斷天
涯羈旅房櫳歸去幽思轉難忘放翠幕下珠簾深鎖
雲窗霧

婆羅門引月下憶荷花

夕陽漸下晚來落月尙窺人一彎乍吐冰輪也學蛾
眉新樣融入畫堂春喜纖雲不起玉宇無塵香醪
一尊理瑤席共誰陳獨自追涼小院無語黃昏相思

何限隔荷花深處晚香勻倚玉闌繞轉千巡

國香慢畫梅

凝影橫斜是孤山往日處士人家幽香共誰尋覓月
色輕紗不管清寒攀摘一枝冒流潦平沙春風又相
遇宛地塵縑穿逕苔遮芳心縈繫久卻翠藤倒挂
俏露芳華柔條披拂倩誰寄與天涯夜月沈沈妝閣
擲笛聲愁落瓊葩繽紛壓寒碧縹緲仙雲隱逐鈿重
祝英臺近夜坐

枕函欹釵玉墮深院晚涼臥玉簟橫陳林影月篩破

往時曾怨春歸春歸無那再莫把秋期錯過 溼香
唾綃雲籠霧輕衫粉汗細腰沈山額融黃風顛鬢絲
簸畫屏低映雙星一年待到卻不解流光推磨

高陽臺七夕

星靨脂紅山眉黛綠良宵門戶愔愔蘭麝中衣香囊
合字霏金流螢點點無心撲繞雕闌又上羅襟正雲
屏低度雙星銀漢斜臨 秋期密約年年好任人間
兒女乞巧穿鍼自送春歸可憐盼到而今相思一寸
柔腸轉更休論遠水遙岑影伶俜露浥鴉鬢月照鴛

念

惜奴嬌荷花

紅暈脂痕照出水新妝靚幽情共綠雲低映一曲西
洲誰采取亭亭影人靜對西風淩波自省水佩風
裳偏又報涼秋信舞衣冷幽香滿徑壓鬢誰簪枉負
了閒心性漫詠泛一舸田田萬柄

朝玉階秋燕

梁燕呢喃款款飛新秋明日是景全非紅襟飄瞥影
霏微愁將離恨說意依依一春幽恨願多違相看

桃李放鬪芳菲思量真箇倦游歸且隨螢火繞拂書
幃

訴衷情雨 丁卯

曉來簾幕卷東風細雨溼冥濛辜負俊游佳約春事
去匆匆 雲日轉透簾櫳瑞光融等閒看了染柳熏
桃種種情濃

鷓鴣天溪上春望

李白桃紅次第開何人谿上泛舟來盤飧市遠無兼
味樽酒家貧只舊醅 慵拾翠緩停杯良辰美景且

開懷人生不向三春醉何事東風淑景催

杏花天燕

畫屏海燕來棲息漸數到清明寒食芹泥著雨燕支
涇溪上落紅誰拾 往事憶雕梁藻飾新巢壘似曾
相識天涯浪迹終悽惻幾處紅樓解得

采桑子春暮

桃花落後楊花落更裊游絲鎮日簾垂嬌女深閨倦
繡時 平蕪十里春衫薄玉勒驕嘶會向天涯難把
心情說與伊

小重山白門行館望雨有懷

密雨斜梭貼地勻
小樓聲不斷似瑤箏
綠陰深處鳥還鳴
黃鸝囀和入曲中聽
春事莫關情
流酸梅子熟
濺眉嚙一川
芳草自盈盈
繞闌久階上
碧苔生

醉蓬萊琴川嘗作蘆花四律屬和余未會也又遲作
冬花館詞亦久而不報秋水泛舟蘆荻彌望
而琴川新沒于徐州眷念故人能無感喟

乍西風蕭瑟蘆荻芳洲
晚霞成綺不道殘秋有畫圖
如此雪舞纖瓊月凝狂絮
更映盈盈水又到重陽故

人何處光陰彈指 幾載漂搖爲誰零落放鶴亭高
愁心難已點綴寒英情枉孤芳徒一樣征人一般詞
客各一番情思且引蘭舟沿溪徐聽采菱歌起

燭影搖紅月季

廿四番風漫將花信從頭數一年一月一番新不解
情如許海嶠靈根暗孕鬪嬋娟尹邢共住重帷深閉
勻粉調脂含煙和露 仙影重樓晚春舊約茶蘼誤
翦絨嬌女豔隋宮畫閣還重遇篩月籠雲冒霧倚金
尊深宵緩度碧芽徐引芳意深緘莫教春去

木蘭花慢簡周丈縵雲李君王未 戊辰

被游絲一瞥方解道是殘春料處處園林紛紛桃李
吹送香塵銷魂漫天飛絮到中庭颺起看還勻底事
重簾不捲從教誤了芳辰 風風雨雨乍新晴幾輩
逐雕輪想草軟如茵香車穩卧說也恁人温存一襟
幽思繞深閨午夢翠眉頰起向闌干斜倚待看新月
如銀

南浦落月

落月轉迴廊照鏡臺翠眉深夜人靜相對不成眠珠

簾放參差縠紋交並玉鉤斜處鬢絲飄拂休回省乍
離碧海纔一晌行徧雕梁藻井 初三下九佳期枉
舊曲儂翻新妝自整心事訴姮娥游仙夢還被落紅
吹醒春將去也博山鑪裊沈檀冷看他三五團欒候
佳約終宵歡永

傳言玉女白門久客春事將闌倩客寫梅譜此遣興
腸斷崔徽偏寫淡妝人面游絲冉冉漾又嬉春情倦昨
夜三更夢向西洲曾見一枝枝映雜花如靄 直到
今朝覓餘香尙眷戀小窗橫幅鎖重重幽怨飄零未

似繚繞楊花滿院怕被香把夢兒吹轉

南柯子晚春

草綠閒門掩苔深曲徑迷東風無力裊游絲自向闌
干閒步覺春詞畫閣新陰暗珠簾薄霧垂多情偏
有蜜蜂兒依舊小庭來往繞花枝

訴衷情霞

夕陽隱隱繞朱霞紅袖映窗紗那得中山美酒千日
醉桃花煙檻隔繡屏遮漫嗟呀春心自鎖一任游
絲裊向天涯

唐多令卽事

斜日照疏櫺朱霞天半晴
裊游絲百種輕盈似解憐
人春晝永故宛轉寫深情
心字篆香縈茶煙午夢
清繞空階新雨苔生閒倚闌干無一事直坐到月華
明

前調

飛雨灑空階羅帷風自開
隱車聲緩送輕雷魚鑰沈
沈深院鎖難道有玉人來
心印篆成灰銅壺漏箭
催逐行雲何處徘徊露出疏星三四點有殘月且開

懷

江城子曉起

水晶簾下看梳頭
思悠悠意悠悠
曾記多情攜我上
蘭舟
小院三年芳草綠
眉自畫月如鉤
纖腰一似
柳枝柔
怕登樓
不知愁
只是悔
教夫壻
覓封侯
拚把
一春沈醉過
還夜夜夢揚州

思佳客春雨

一曲歌成酒一杯
困人天氣好
亭臺沈沈春晝斜
飛
雨
宋宋閑門亂點苔
花幾簇錦千堆
落紅成陣映

香腮不如卻下簾兒坐自看同心七寶釵

無賴今年又晚春一春風雨倍銷魂梁間歸燕空留
客葉底流鶯解罵人飛絮繞落花頻佩環搖蕩夢
中雲閉門已過春三月莫向青郊問畫輪

端正妝成繡閣遲卷簾終日雨絲絲欲知庭外春多
少試看屏前影逶迤吹不斷望還迷畫欄蜂蝶各
參差空階點滴如絃管難把新詞付與伊

六醜冶城白桃花次沐庵韻

漸淒迷萬綠且一洗鉛華顏色道春欲歸春光徧愛

惜盪碎瑤魄縞袂憐伊苦者般姿態向畫闌欹側無
言便覺人傾國柳絮翻空梨雲悽咽多情讓伊幽潔
自劉郎去後前事休說 嬌癡無力任佩環搖曳似
舊元都夢影宋宋重來綺思空憶賸盈盈夜月與共
悽惻游絲裊斷腸難覓拚儘把雨雨風風受了小庭
狼藉閒門鎖卻怕人識待御風縹緲天台去瓊簫喚
徹

原作曳字
誤用去聲

掃花游春寒

飛花墜絮竟欲送春歸晚風人悄閒雲共裊向闌干

望去一般縈繞輕暖輕寒怎把輕絛換了自顛倒快
喚取香醪愁待伊掃 沈醉休坐嘯憶水畔蘭舟岸
邊桂櫂出門一笑問韋郎可見亂山殘照愛殺房櫳
莫把香篝撤掉暮煙罩去添衣且休游眺

尉遲杯金陵懷古

晴雲繡繞迤邐雉堞排層岫淒涼六代煙花惆悵朱
樓紅袖閒門自鎖誰復向長亭問新柳望歸鴻去逐
天涯夕陽偏帶明秀 多情十二闌干怕碧草侵階
綺思非舊燕語鶯啼都休問且鎮日簾兒共守無繆

是琴絲茗椀更誰識新霜鸞鏡有但相思弄笛桓伊
一江春水如酒

鷓鴣天青溪

九曲青溪一葉舟山圍潮打自風流西園公子名無
忌南國佳人字莫愁溪上住水邊謳往時歌舞已
都休新來識得相思苦說起相思不自由

探春慢春夜

斗帳燈紅翠尊酒綠洞戶雲羅縹緲角枕棲鴛香篝
蕤麝竟是承平年少拚放他春去怎不把春愁放掉

坐看蠟炬成灰西窗鐘動清曉
殘夢幾回縈繞趁
密約風流後堂春好鳳管
么絃象棋雙陸次第莫教
忘了幾許行雲處鬢絲拂
暗塵吹帽惆悵鶉聲三更
低喚春老

木蘭花令閨情

嬌雲暖困柔情膩
罨畫山屏眉映翠
簾波織就字回
文燈穗結成花並蒂
石榴裙子腰支細
依舊錦囊
羅帶繫由來蕩子愛
倡家誰令妝成門獨倚

中甲詞甲

中白詞乙

丹徒莊棧

宴清都燕

春去尋王謝花草亞甚時梁燕纔嫁尋常巷陌人人
自比莫愁聲價芹泥拾去還怕醉夢裏宮衣暗卸漫
夕陽低說興亡香巢且壘蘭麝須知葉底流鶯樹
陰啼鳩春殘到夏屏山似舊簾櫳未改舞休歌罷歡
娛好趁良夜快輕翦雲羅繡吧更那堪梅子青圓替
薇滿架

浣溪紗題士女圖

礎潤苔衣溼不乾，落紅飛盡尙輕寒。庭前細雨更漫漫。
古髻學成妝閣坐，腰支人覺帶圍寬。沈沈不語向闌干。

清平樂曲徑

回廊一一徑窄，衣衫偏飛燕。芽將簾子入猶認尋常。
巷陌柳絲難結春情，一池淺漲浮萍池上。莫教回首杜鵑低喚，聲聲。

高陽臺初夏

腸斷花辰心蘇草甲柔情不放人閒又送春歸如何
尙怯輕寒落紅飛絮看都盡爲綠陰愁倚闌干裊沈
檀一縷游絲繞向簾閒何須更寫相思苦倩回文
雲錦小字冰紈礎潤苔滋淚痕拭也難乾庭前燕子
雙雙舞笑班姬學製團欒莫心酸遠岸江離別院幽
蘭

西江月

乍雨乍晴天氣輕寒輕暖簾櫳游絲飛絮已無蹤閣
外溼雲煙重綠樹舟迷前浦朱欄馬滑溪橋香車

油壁漫相邀誰是西陵蘇小

好事近

春去日遲遲靜鎖一庭濃綠深院翠帷亭午夢鴛鴦
穩宿 門前流水是秦淮風顫浪紋簇牽動王孫歸
思挂蒲帆十幅

曲游春 菜花

小院飛花盡看一畦寒菜爭弄晴色點染餘春共水
邊藻荇隴頭薺麥路轉野棠隔似刺繡縷金交織已
徧開萬紫千紅休怪蜨衣無力 漫憶溝塍溜碧記

匝地榆錢忙到寒食美景匆匆任翻階芍藥畫欄煙
羃叱犢橫簫笛醉又醒羅衫風偏笑有人綺閣深深
那會相識

探芳訊 樸園

步芳徑又草綠門閒花紅砌映悵廢池橋畔難開舊
匳鏡嬋娟應共春光去誰向湖山訊漫褰衣去上林
亭自循苔磴名勝恁休問贖瓦礫淒迷淚痕清瑩
惆悵荒臺題詠尙能認繁華逝水歸腸斷嬌困風吹
醒待何人攜酒重來酩酊

聲聲慢 秦淮晚步

朱欄人倚綠水舟橫銷魂只有秦淮暮雨朝雲讓誰
點綴陽臺長隄柳枝漸綠似伴羞亂顛瑤釵愁未遣
又眉彎新月暗逐人來 知否城闌將晚過鈿車偏
送塘外輕雷障面飛花紗窗霧疑開游魚翠瀾漫
攬且句留衫影徘徊春自遠背東風香沁碧苔

步月 繡球

暖雪紛鋪晴雲低蹙一庭靜對禮綠畫簾乍捲似月
明金屋儷瓊萼碧玉嫁時誇珠彩石家盈斛妝臺畔

釵鳳顛微暗香遙觸 屏山新睡足正刺繡深闈雲
鬢斜矗唾絨綵結好重重團簇惜春去人倩淡妝助
花傲夜嬌銀燭雕闌壓胡蝶滿圓粉撲

賣花聲白門對雨作

庭院草痕齊綠漲淒迷香泥溼透暈苔衣燕子不來
春已去又到黃鸝 花好是將離人卜歸期王孫心
事不須題梅子雨肥風折筍斗酒誰攜

浪淘沙秦淮水上看鍾山

檻外是鍾山翠擁煙巒山腰茅屋兩三間我卻低頭

水上海幾箇漁船 金粉記當年裙屐依然一春心
事有誰憐燕子誤將王謝認來往翩躚

前調

綠水亞朱欄柳色毵毵漁舟撐出隔溪灣如此風光
何處去休唱陽關 山外更青山一樣煙巒管絃未
莫意闌珊那得珠簾垂十里不放春閒

惜分釵夜坐

江城晚江渚遠夢魂自向千山轉孤衾寂孤燈碧幾
曲迴腸一枝橫笛戚戚 金尊款清歌婉畫長應恨

良宵短家園隔佳辰擲老大征人遠游行客惻惻

高陽臺長樂渡

長樂渡邊秦淮水畔莫愁艇子曾攜一曲西河尊前
往事依稀浮萍綠漲前溪徧問六朝遺蹟都迷映玻
璃白下城南武定橋西行人共說風光好愛沙邊
鷗夢雨後鶯啼投老方回練裙十幅誰題相思子夜
春還夏到歡聞先已淒淒更休提煙外斜陽柳外長
隄

前調新月

舞燕翮風晴霓散雨一彎淺露蛾眉準備新晴明朝
去踏沙隄影兒滿地看都好喜綠陰青子離披望還
疑穿徧閒雲飛上高枝 簾鉤不改春時樣誤幾回
良夜幾度佳期暝色纔開依然國色天姿團欒漸露
微微意到初三便是芳時好看伊光滿雕闌彩泛金
卮

鳳凰臺上憶吹簫懷丁保庵興化

拱極臺邊昭陽湖畔微風吹送清謳有一枝漁笛相
與句留又是三年不見巾帶緩似舊風流空相憶江

離遠岸杜若芳洲
悠悠浪游廿載題詠徧津亭自
豁吟眸賸小紅低唱巧轉歌喉我是江郎才盡臺城
路誰與綢繆休重問青青薺麥冷月揚州

滿庭芳別沐庵

花是將離曲成懊惱滿城草綠煙含片帆歸去行客
柳毵毵同是哀時庾信婆娑影我覺難堪消魂處今
宵酒醒好句自幽探深緘無一字嬉春已倦芳思
都芟想畫梁雙燕相對呢喃休憶盧家小婦何人去
灑淚江潭都忘卻朱櫻綠筍沈醉是淮南

臨江仙江行雜詠

綠草萋萋波濼濼出門一笑舟橫客心何處最傷情
石城橋畔路直是少人行 往事六朝都不見莫愁
留得湖名湖邊莫去訪娉婷畫船人似玉端正自吹
笙

纔到江津聞喚渡岸傍還插旌旗江南江北望迷離
無心鷗鷺好來往各忘機 此際涉江何處去落花
流水天涯蘼蕪杜若有誰遺晚山青不斷幕府路透
迤

繞徧青山橫北郭郭門正對苔磯磯邊燕子幾時飛
江空沙岸闊風定客舟歸 尙有石亭今不見臥碑
宸翰留題承平風景記依稀戰征將廿載涕淚暗雙
垂

帆颭微風浴碧浪遠天低度行雲客中風景向誰陳
山知今古事水慣送迎人 坐看舟移芳草岸岸邊
沙鳥來頻百年行客幾逡巡不如沽美酒歸醉畫堂
春

揚州慢過揚州作

飛絮時光熟梅天氣片帆又到揚州繞荒城十里尙
似舊淮流過多少尋常巷陌銜泥飛燕何處尙留望
紅樓人語沈沈深押簾鉤 杜郎老去有何人能訴
清愁喜學語雛鶯新聲百舌不解含羞好向綠陰深
處西風動怕報涼秋已醪醪開到行人休憶春游

少年游

畫簾深押理春蠶金粟一燈含簾外黃昏滿天梅雨
腸斷是江南 簾閒燕子雙棲穩簾內語誦誦抽繭
情懷化蛾心事風味十年諳

虞美人午夢

暖風吹送晴絲碧深院珠簾隔夢回枕上意難忘行
徧三吳三蜀又三湘寸心萬里天涯繞草色閒門
好春風過了又秋風歲歲年年都在酒尊中

戚氏歸自白門綠陰滿徑流鶯睨好音動人率然
賦之不自知其言之長也

看花回又看新綠護樓臺幾處輕陰畫長無事去徘徊
塵埃點蒼苔芳心撩亂碧雲釵消魂連番花信向
人蜂蝶自飛來鬪草情緒尋花心事箇儂誰共銜杯

記筵陳夏屋香滿春殿羯鼓頻催
螺黛淺畫蛾眉
朱顏漸老寶鏡又慵開游絲繞舊歡
休憶倦眼徐揩
遣幽懷薄靄翠幕四垂似水靜悄空階
脆圓薦酒沁
齒流酸結子還有青梅
百轉流鶯巧任啼鳩老聽
杜鵑哀悵悵高樓影事共文簫宛轉韻幽諧
一般斗
酒雙柑竹林深處招隱人何在枉早春
游冶花如海
思往事空令愁埋慘綠衣手自親裁
奈流光迅速信
音乖想方塘外鈿車穩臥緩送輕雷

玉胡蝶本意

斷送一春芳思小庭索索獨自飛來未到秋殘湘簾
且與徘徊聽流鶯怕窺綠樹聞啼鳥愁見青梅黯樓
臺一池芳草滿院蒼苔 安排午晴曬粉翠迷楊柳
紅訝玫瑰莫遇莊生枕中幽夢費疑猜舞衣翻應游
上苑仙風送可引蓬萊繞閒階滕王圖畫相映空齋
風入松

微風細細送行雲雲散遠天青秋千柱散花飛後賸
遙山眉黛輕盈冷落後堂宿燕淒迷深樹啼鶯 殘
陽徧解向人明珠網罟新晴疏簾清簟情無限更何

須載酒林亭別有一般惆悵彎彎新月初生

玲瓏四犯

夢裏餘春便睡不成眠嬌困慵起寶帳低垂胡蝶一
生花底深院燕語鶯啼且認作滿園桃李好蒙頭過
了時光一任歲華如駛 簾痕微拂纖纖指鬢雲鬆
欲梳還止尋芳懶向花枝問誰把流蘇親理憑問陌
上行人到處香車流水擁鴛衾休問風自顛漾簾葦
浣溪紗

簾幕恹恹望轉深簾閒鶯燕自沈吟熟梅天氣半晴

陰日照紗窗人未起
風吹羅帳困難禁
無心再去理瑤琴

一萼紅盤香

寫相思倩柔絲萬縷
午夢乍醒時
巧樣回文斷魂心
字引將筠管潛吹
畫堂深雜和蘭麝
任縈迴誰與撥
餘灰樺燭良宵輸他
蠟淚尙說成堆
莫認銅槃承露
是春心微逗
一綫靈犀宛轉
柔腸纏綿芳思
向人情自依依
更好共書籤藥裏
傍簾旌終日總相宜
只有往時荀令未解憐伊

瀟瀟雨噴壺

閒庭無一事聽蕭蕭葉響藥欄頻似跳珠濺玉灑來
自密噴處還勻多爲盛將仙露來寫十分春潤偈衣
篝靜美景良辰誰把玲瓏巧鑿向清泉一掬只爲
芳塵便柔荑纖手都是灌花人料靈苗能解滋味漲
香泥不藉雨和雲花閒隱問壺公去可許容身

清平樂

晝長人靜紅日紗窗映午夢初回魂乍定說是傷春
酒病羅衫汗透難乾簞紋玉腕斑斑起向中庭閒

步一雙胡蝶簾間

永遇樂 辛幼安北固山詞紅友佚而不錄得毋有未
備與梅雨滿天閒譜此調易其壯語出以曼
辭亦才人之狡獪也

簾影如絲如絲疏雨消遣清晝潤偏衣篝青紉滑膩
半卷榴裙皺陰濃暈翠苔深漲綠休憶落紅鴛鴦恁
含愁闌干獨倚淚痕溼透衫袖 空階黯黯誰彈箏
琶相雜深宵玉漏梅子黃時滿川煙草風味江南又
更容幽隱絕無人到海燕雕梁共守憑誰曉晴霽較

準鏡螺眉岫

六州歌頭

門迎眾綠還放石榴紅人如醉嬌欲睡起先慵靜簾
櫳愁緒天涯繞共鶯燕隨蜂蝶曾幾度額黃染臉脂
融賸得輕陰閣外深深護雨溼煙濃望江南江北綺
思去無蹤似水韶華太匆匆記嬉游處春如海花
飛徑乍相逢佳約誤鈿車過更誰從影朦朧舊日庭
前月似團扇又熏風秋未到歡長好意惺忪纖手瑤
琴自撫仙裾戛玉佩丁冬任鴛鴦六六水宿夢相通

碧漲悠溶

中白詞乙

中白詞補

丹徒莊棧

蝶戀花

城上斜陽依綠樹門外斑駁見了還相顧玉勒珠鞭
何處住回頭不覺天將暮風裏餘花都散去不省
分開何日能重遇凝睇窺君君莫誤幾多心事從君
訴

百丈游絲牽別院行到門前忽見韋郎面欲待回身
釵乍顫近前卻喜無人見握手匆匆難久戀還怕

人知但弄團團扇強得分開心暗戰歸時莫把朱顏
變

綠樹陰陰晴晝午過了殘春紅萼誰爲主宛轉花旂
勤擁護簾前錯喚金鸚鵡回首行雲迷洞戶不道
今朝還比前朝苦百草千花羞看取相思只有儂和
女

殘夢初回新睡足忽被東風吹上橫江曲寄語歸期
休暗卜歸來夢亦難重續隱約遙峯窗外綠不許
臨行私語頻相屬過眼芳華真太促從今望斷橫波

目

壺中天慢

行雲何處卻分明依舊昨宵華月城上烏嘒嘒未曉
正好三更時節巷口煙深窗間燭暗乍見心先怯那
能再與殷勤深訴離別 回憶往日來時手中團扇
竟難教拋撇幾曲銀屏天樣遠更有輕紗隔絕欲住
無言爲愁含笑此際心如結遙知去後比前更覺淒
切

瑞鶴仙

望鈿車何處香乍拂暗鎖一庭薄霧雲窗小院憐恍
屏山曲曲紗籠珍護玳梁幾許問海燕芳蹤可住着
紅襟飄瞥重到畫屏漫把人誤 苦憶年年遠道水
驛山程空忽零雨鶯聲暗訴催春至共誰語怕高樓
去後花枝滿眼東風吹向繡戶更青青柳色陌上費
人疑佇

相見歡

春愁直上遙山繡簾閒贏得蛾眉宮樣月兒彎 雲
和雨煙和霧一般般可恨紅塵遮得斷人閒

深林幾處嘯鷓鴣，夢如煙，直到夢難尋處，倍纏綿。
蝶自舞鶯自語，總淒然。明月空庭如水，似華年。

定風波

爲有書來與我期，便從蘭杜惹相思。昨夜蝶衣剛入
夢，珍重東風，要到送春時。三月正當三十日，占得
春光畢竟共春歸。只有成陰并結子，都是而今，但願
著花遲。

菩薩蠻

人人都說江南好，今生只合江南老。水調怨揚州，月

明花滿樓 當時年少樂湖上春衫薄春水碧于煙
綠陰藏畫船

香車道上舉珠箔行人問道誰家樂嬌小不勝春輸
他金屋人 衣衫飛雪積獨倚闌干立若解鬪芳菲
雪中花滿枝

闌干深院無人語畫屏金雀參差舞懶起學濃妝偷
閒繡鳳皇 輕雲簾乍捲香霧羅幃掩記得嫁王昌
盈盈出畫堂

黃雲磧裏千堆雪吹殘瓊笛關山月驛騎昨宵回江

南放早梅 梅花開復落紅雨霏妝閣薄霧礙游人
青郊斷畫輪

念奴嬌

流雲乍歇又當空推出一輪明月月自多情能照我
怎奈我傷離別鬢已成絲眉常蹙黛此後從誰說那
堪回首班駝繫岸時節 幾回遠寄鸞牋深藏懷袖
字字愁磨滅欲待將書重一讀讀又柔腸千結便得
常留也難相比攜手重親接不知今夜夢魂可化胡

蝶

浪淘沙

衰柳暮棲鴉樓畔殘霞珠簾半卷玉鉤斜只有箇人
簾外坐今日誰家 舊事漫嗟呀鏡影窗紗音書字
字記無差說不盡時拋卻去流水天涯

鳳凰臺上憶吹簫

瓜渚煙消蕪城月冷何年重與清游對妝臺明鏡欲
說還羞多少東風過了雲縹緲何處句留都非舊君
還記否吹夢西洲 悠悠芳辰轉眼誰料到而今盡
日樓頭念渡江人遠儂更添憂天際音書久斷還望

斷天際歸舟春回也怎能教人忘了閒愁

醜奴兒慢

飛來鶯燕驚破綠窗殘夢看幾處花昏柳暝雲暗烟
籠望帝春心枝頭會否解唬紅闌干曲曲游絲細細
愁殺游蜂長記那時成蹊桃李一樣鮮穠到此際
風風雨雨誰寫春容迢遞仙源何人尋約到山中蛾
眉休說入門時候妒恨偏工

菩薩蠻

瞳矓紅日纔當午一鉤新月天邊吐相去幾多時參

差形影隨
深宵朱戶裏
環佩聲徐起
倘許共徘徊
羅帷可暫開

寶函鈿雀金泥鳳
釵梁欹側雲鬢重
莫遣夢兒酣
江南春色闌
音書金雀斷
芳草芙蓉岸
當戶理機絲
年年戰士衣

沈沈私語誰家院
闌干共倚珠簾卷
儂等自情癡
郎心知不知
重樓歡笑息
香裊篆煙直
何日莫愁堂
雙雙上畫梁

六銖衣薄迷香霧
畫屏曲曲山無數
生小愛新妝
輸

人眉黛長 夢迴深院靜月過秋千影宮裏醉西施
烏嗁臺上時

摸魚子

盼春回者番風信柳枝新綠初吐飛來幾處紅襟燕
恣拂向人簾戶閒記取可解識雕梁舊日曾棲處呢
喃絮語惹葉底蜂圍花間蝶擾好景有誰主 闌干
外絲雨輕籠霧牢愁岑寂誰訴嬉游那用湔裙約
春色滿園關住君莫誤只一例沾泥漬水同塵土斜
陽遠樹正回首憑闌傷心無限冥冥暮雲度

一萼紅 秋日海棠

影離披又沈寥天氣木落已多時敗葉舒英新紅吐
豔那料花發高枝惜春去傷心飄墮曾說與相見隔
年期旖旎心情止餘官柳一樣垂絲 秋思番番更
換念天涯海角何故來歸態度依然丰姿似舊偏憐
妝閣依依且共他高燒絳蠟照靚妝相對夜何其若
問月中桂樹可解相思

迷神引 秋草

莫道春來秋更綠渾不似春情緒花間葉底等是蟲

鳴苦曲籬穿幽徑繞叢荒圃恁向方塘外閒看取鏡
裏芰荷聲送涼雨 舊約湔裙何處嬉春侶賸亂螢
飛寒蟬噪乍來還去偏疑作春花舞漸改青衫怎不
向雕闌佇也曾見燒痕迷遠渚怕看到飄搖隨風舉
憶瑤姬自秋海棠

涼意當門看玲瓏琢玉一抹烟痕畫屏新夢轉映玉
階羅韞月影黃昏微融粉褪細貼黃勻更淨無暗塵
卻就儂還撇低旋顧心事誰論 到此際恁解溫存
正冰紈掩面織素含顰香肩誰共倚怕玉簪相對先

爲消魂藍橋杳銀燭空陳闌干憑獨倚西風冷羅袂
單寒手自捫

月下笛索居荒邨風雨如晦遲梅不發譜此賦之

作就輕陰留花不放似愁花謝春心暗逗自疊宮衣
小窗下隴頭驛使何須問待消受脂香粉麝漫驚回
夢雨西窗翦燭苦吟深夜 珠瀉紛飄瓦正閉置重
帷晚妝初卸空階浙瀝笛聲誰共描寫園林終有開
時候玉蝶羅浮更休憶揚州東閣往時情話

絳都春曲塘朱氏有牡丹二株晚贈鍾丈而不著花

鍾歸江上移于北莊春日載陽駢生荇蓄詞

以記之

春回玉砌有天涯倦客閑倚朱欄十載舊情淒迷庭
院雨風殘移根幾度車輪轉瓊環月下闌珊柳絲飄
蕩梨雲掩黯淚眼汎瀾冉冉仙雲乍返翻柔萼暈
碧嫩蕊含丹語燕漸來流鶯初弄待團欒花魂久被
瑤臺欸往時誰伴宮鬟新妝休遣離人鎮日對看

前調櫻桃

芳春已渺到結子成陰偏伊能早畫檻繡簾休寫來

禽招唳鳥枝頭密網千絲護爲柳絮隨風輕裊露香
星燦生成豔冶溜圓嬌小還遣朱脣掩映看膩紅
一捻愁被花惱金屋妝成宮錦新裁衣衫嫋風光須
讓淮南占去說與離支閩嶠那堪樊素情深累人夢
繞

玉京秋 譜草窗 巳巳

深夜怯疏簾弄清影小庭明月林飛鳥鵲夢回胡蝶
疑是晨鐘動了拂羅帷瑩似秋雪景淒切此時情緒
幾人能說 讓我新詞霏屑耐宵深涼侵露鞞凝望

到妝臺明鏡一般幽潔閒傍空階問若箇消受冰壺
澄澈錦衣疊誰被鄰雞喚徹

小梅花

孤鐙碧孤衾寂夜烏相伴離人泣撥鷓絃拂花箋說
到無人解處倍纏綿閒情他日猶惆悵宛轉新詞深
院賦筆空投淚暗流辛苦人間一賦是登樓 歡三
早人愁老放懷休令金尊倒忒淒其自迷離誰料青
衫還與草痕齊一年一度久腸斷眼見流年暗中換
戶飛花月籠紗難道阮郎春盡不歸家

浪淘沙慢

溼陰洹雲迷野渡霧隱卮市愁聽漁舟遠笛情牽驛
路離思乍落葉飄搖風暗起掃門巷轉誤童稚念時
節番番去何許經冬客懷滯容易鏡中鬢影憔悴
想水驛山程經行久往事難再記對似舊青衫空自
凝睇歸期漫計儘客舟來往當門流水十七年來
煙波裏移家慣宛同轉蟻採芳信牆陰花共蕊任春
去蕩逐天涯且放浪年年穩醉金尊裏

夜飛鵲落葉

癸酉

河橋送人處都已辭枝傍岸卻自依依
花豔蕊會隨侍如今不是將離重來更知何日待春風轉後柳
便生稊暫時去也便天涯恁用淒其 透迤平沙回
望餘塵漸堆積疑是成蹊可否回思前度深深蔭暘
草綠還迷新霜一拂怎怱怱便改芳姿但徘徊衰草
延緣古道惆悵長隄

氏州第一 自題小影 乙亥

磐石修篁谿畔穩坐荒邨休說棲隱過眼韶華依人
歲月容我蕭閒自省添得髭鬚好認取舊時心影詞

賦關情江湖放浪十年俄頃 難得良朋蹤迹並

有周

纓雲袁子 又何用簡編徐村旅況更番歸期未卜正

文題辭

野塘春近且休將如意貼蕭樓宗雲沈意迴待夢高
唐欲成眠誰能睡穩

法曲獻仙音

書未三行燭然半寸過眼韶華容易漸到天明猶疑
夢雨且把綺懷拋棄更相念鴛衾畔有人正酣睡
轉私計想十年漂泊江城酌尊酒未改當時興致辜
負好丰姿肯付與衫青眉翠早爲過歸芳春動再聯

征騎待林亭香滿龍腦共熏麝賦

垂楊

東風幾日怎留人不住更添金縷
睨流鶯依稀似欲迎人語
儂心縱使從君訴奈飛燕雕梁
嬌妒傍長隄一碧無情任玉驄嘶去
淒楚連宵苦雨竟沾水
漬泥不堪重顧鬢已如絲
笛中偏惹閒情緒柔枝婀娜
誰攀折但贏得離愁幾許
年年踈地青青休怨汝
壺中天慢李易安醑醑春去小影
丙子

醑醑開候早春光過了芳時難覩
手折花枝將面暎

天氣惱人依舊訝粉成團疑冰簇水好景須將就銷
魂鬢影輕衫紅暈羅袖山館此日閒情詞翻玉井
海秋玉井山館集似鴛鴦微溜我亦工愁簪筆久自
有詞詠易安小影卷珠簾清晝一樣嬋娟者般憔悴空把閒情逗日長
人靜閉門清簾相守

浣谿紗荷葉

青蓋當年入洛陽往時天水亦堪傷誰家中婦靚新
妝莫愛秋風珠露滴還愁鏡子漸飛霜采蓮且莫
向橫塘

高陽臺 丙子清明題郭湘渠所持臨宋人上河圖一

角畫扇感今懷古念亂憂生觸緒成吟不自
覺其言之拉雜也

飄拂微風芊眠楊柳上河時候清明扇底嬉春誰人
一角重臨鬢輿猶記曾來駐更趙家圖畫重尋久消
沈夢華舊錄且說東京 才人何事揆求苦數弇州
遺恨直到而今倦客相看此時別自傷心金戈鐵馬
經過眼看廿年河外蜺旌賸閒情渡頭艇子打槳來
迎

唐多令

鐙燄似凝脂紅心草恐非
羃煙煤一樣迷離照得空
庭都四徹原不藉蠟成堆
影隔便難知光留許衆
窺也曾看鏡裏蛾眉窗外
北風冰正冱只微火轉淒
其

虞美人懷魯仲實

悠悠客鬢生華髮十載音書絕
枕函殘夢醒微茫瞥
見南飛烏鵲不成行
故人識我詞中意說也先憔悴
蓬萊方丈不須游近日乘槎直到海西頭

中白詞補

中白詞續補

丹徒莊棧

買陂塘

問西風數行新雁故人今向何許銜來音信從誰至
宛轉似將人語休輕顧便拆得封時都是傷心句此
情最苦臘涼月三更盈盈血淚化作杜鵑去空階
外往日佳期已誤淒涼說與遲暮清商一曲原蕭爽
消受幾多霜露情莫訴休再望南天渺渺衡陽浦錦
箋附與回首絳雲飛傷心只在一點相思處

八六子

罨重城淒淒風雨都來伴我孤征漸濕霧淒迷不斷
薄寒料峭還生秋心暗驚 沉沉不放新晴倚檻慵
開鸞鏡臨流罷撫銀箏漫忘却他鄉茱萸節近黃花
放後白衣人遠但見拍水沙鳧野渡寥天雲雁煙汀
黯銷凝匆匆又聽櫓聲

阮郎歸

風風雨雨到天涯春歸何處家有人腸斷爲鶯花鶯
花須自嗟 眉黛淺鬢雲斜亂紅窗外遮輕陰那不

護韶華偏教愁暮鴉

菩薩蠻

荼蘼開後羣芳歇
綠陰滿院聽鶗鴂
窗外老鶯聲都
教和淚聽
日長人倦
午芳草蝴蝶舞
瘦損小腰圍
翩翩金翅衣

曉雲和夢凝
鴛帳梨花如雪還
相向人在木蘭艘
春波度遠江
歸來夢莫續
潛伴諸郎宿
郎意若爲尋
妾愁江水深

宮眉新樣黃
初吐夢驚粉重
西園雨弱薄
不勝衣滿

園鶯亂飛 樓頭花事寂 金雁無消息 怎得晚春時
薄情郎早歸

畫橋綠水沾春酒 烏啼門外霏春柳 春色倍關心間
庭芳草深 花叢人似月 忙煞飛來蝶 簾外幾番風
香闥夢正濃

恩帝鄉

朝朝花花相映紅 鈿雀金蟬香閣繡帷中 鑪篆紗窗
雲霧星眼倦朦朧 望到樓頭不見有 歸鴻

夢江南

芳草岸岸上玉驄嘶紅袖滿樓招不見橋邊楊柳細
如絲春雨杏花時

更漏子

玉樓寒芳草碧門外馬嘶人跡
寒繡幕拂銀屏風來
夜不扃應念我偏相左魚鑰重門深鎖書不寄夢
無憑窗紗一點燈

春光好

燒蠟燭照銀屏袖羅輕暗憶扁舟下綠汀布帆聲
新月半明半暗浮雲旋散旋生只有些微看不見兩

三星

少年游

熏爐香燼畫堂煙暝無語掩重門夢未曾醒燈先上
了簾外已黃昏 窗兒獨自看都黑那箇與溫存只
有經行玉闌干畔留得舊啼痕

青門引

夢裏流鶯囀喚起春人都倦研箋莫漫去題紅雨絲
風片簾幕晚陰卷 碧雲冉冉遙山展去也無人管
便尋畫篋螺黛可堪路隔天涯遠

菩薩蠻

曉妝未褪衣衫薄晝長獨上三層閣簾卷對青山眉
痕新月彎 含羞羅袖掩自拂桃枝簾攲鏡繡幃中
花花相映紅

踏莎行

斜日樓臺平蕪道路玉驄嘶去無尋處斷霞一抹遠
山橫東風忽送行雲住 美景匆匆華年負負當筵
空把金尊舞尊前餘淚且休揮明朝簾外迷紅雨

中白詞續補

仁和譚復堂篋中詞選盛稱蒿盦先生詞鄉先輩陳
亦峯曰雨齋詞話傾倒尤至晨夕諷誦知兩家之言
非阿私所好也顧訪求全本不可得宣統己酉識仁
和許伏民於滬上承以蒿盦遺集十二卷見貽乃光
緒丙戌先生之壻許氏承家豫章刻本後三卷爲詞
甲詞乙詞補遺而詞話所收未盡編入乙卯入都江
寧陳小樹示以仁和蔡氏壽祺刻本詞話諸篇悉見
其內審爲先生自撰詞序所云戊午刻詞四十首於
京師之本陳氏所見僅此蓋當時亦未得遺集也頗

思彙刊以傳偶語吳興徐森玉森玉亦酷愛蒿盦詞
曾取遺集之詞重雕因檢版片見贈人事鮮暇未遑
理董今年秋靜盦弟促完舊願因取蔡刻所多各篇
刻爲續補遺屬弟婦江南蘋合校印行去森玉贈版
之日已忽忽近十年矣乙丑嘉平吳庠識於惜往日
齋